

BOSNA I HERCEGOVINA
Vijeće ministara
**Interresorna radna grupa za
izradu Zakona o sukobu interesa
u institucijama vlasti BiH**

Broj: 08-07-7858-17/08
Sarajevo, 07.10.2009. godine

**Izveštaj o radu Interresorne radne grupe za izradu Zakona o sprečavanju sukoba
interesa u institucijama Bosne i Hercegovine**

Zaključkom Doma naroda Parlamentarne skupštine Bosne i Hercegovine, br. 02-50-1-16-16/08 od 05.05.2008. godine i Zaključkom Predstavničkog doma Parlamentarne skupštine Bosne i Hercegovine donijetog na 29. sjednici održanoj 04.06.2008. godine, pokrenuta je inicijativa za izradu novog Zakona o sukobu interesa u institucijama vlasti BiH koji će biti zasnovan na pozitivnim iskustvima zemalja članica Evropske Unije kao i iskustvima Centralne izborne komisije BiH, te je zaduženo Vijeće ministara BiH da pristupi izradi novog Nacrta zakona o sukobu interesa u institucijama vlasti BiH.

Takođe je inicirano i imenovanje Interresorne radne grupe koja će raditi na izradi Zakona.

Vijeće ministara BiH je povodom naprijed navedenih Zaključaka Doma naroda i Predstavničkog doma Parlamentarne skupštine Bosne i Hercegovine donijelo Zaključak na 52. sjednici održanoj 12.06.2008. godine, kojim je zaduženo Ministarstvo pravde BiH kao resorno ministarstvo i Centralna izborna komisija BiH za realizaciju navedenih Zaključaka.

Ministarstvo pravde Bosne i Hercegovine, postupajući po Zaključku Vijeća ministara BiH obratilo se institucijama koje su zadužene za izradu Zakona, radi dostavljanja imena članova Interresorne radne grupe.

Nakon dostavljanja imena članova Ministarstvo pravde BiH je Prijedlog odluke o imenovanju članova Interresorne radne grupe za izradu Zakona o sukobu interesa u institucijama vlasti BiH aktom broj: 08-07-7858/08 od 29.10.2008. godine dostavilo Vijeću ministara BiH na razmatranje i donošenje Odluke.

U novembru mjesecu 2008. godine, donijeta je Odluka o imenovanju Interresorne radne grupe koja je objavljena u Službenom glasniku BiH broj: 2/09, nakon čega je Interresorna radna grupa počela sa radom.

Interresornu radnu grupu za izradu Zakona o sukobu interesa u institucijama vlasti Bosne i Hercegovine činili su:

- poslanici ispred Predstavničkog doma Parlamentarne skupštine Bosne i Hercegovine: Momčilo Novaković, Bakir Izetbegović i Vinko Zorić;
- delegati ispred Doma naroda Parlamentarne skupštine Bosne i Hercegovine: Mladen Ivanić, Alma Čolo i Ilija Filipović;
- predstavnici Centralne izborne komisije Bosne i Hercegovine: Tihomir Vujičić, Vedran Hadžović i Mile Kudić i

- predstavnici Vijeća ministara Bosne i Hercegovine: Sredoje Nović, Bariša Čolak i Safet Halilović.

Interresornu radnu grupu u radu u stručnom i administrativno-tehničkom smislu pratili su i opsluživali članovi sekretarijata Interresorne radne grupe.

U sekretarijat su ispred Ministarstva pravde Bosne i Hercegovine imenovani Fazila Musić i Bojan Ninković, a ispred Centralne izborne komisije Bosne i Hercegovine Danka Polovina-Mandić i Alma Raščić.

Prijedlog Odluke o naknadama članovima i sekretarijatu Interresorne radne grupe za izradu Zakona o sukobu interesa u institucijama vlasti Bosne i Hercegovine nakon pribavljenih mišljenja nadležnih institucija, dostavljen je Vijeću ministara BiH u skladu sa odredbama člana 30. Poslovnika o radu Vijeća ministara BiH ("Službeni glasnik BiH", broj: 22/03) radi razmatranja i usvajanja.

Na 94. sjednici Vijeća ministara BiH, održanoj 16.07.2009. godine, donešena je Odluka o naknadama članovima i sekretarijatu Interresorne radne grupe za izradu Zakona o sukobu interesa u institucijama vlasti Bosne i Hercegovine ("Službeni glasnik BiH", broj: 66/09).

Interresorna radna grupa je održala ukupno devet sjednica, i to prva sjednica je održana dana 04.02.2009. godine, druga sjednica 24.02.2009. godine, treća sjednica 03.04.2009. godine, četvrta sjednica 28.04.2009. godine, peta sjednica 11. i 12. 05.2009. godine, šesta sjednica 11.06.2009. godine, sedma sjednica 02.07.2009. godine, osma sjednica 08.09.2009. godine i deveta sjednica 07.10.2009. godine.

Na devetoj sjednici održanoj 07.10.2009. godine utvrđen je konačan tekst Nacrta Zakona o sprečavanju sukoba interesa u institucijama Bosne i Hercegovine, a kolegij od tri člana iz reda članova Interresorne radne grupe je bio zadužen da još jednom pregleda utvrđena rješenja, nakon čega je sekretarijat Interresorne radne grupe zadužen da do kraja oktobra Nacrt zakona uputi nadležnim institucijama radi davanja mišljenja te dostavljanja istog Vijeću ministara BiH radi utvrđivanja prijedloga i upućivanja u redovnu parlamentarnu proceduru.

O svim prihvaćenim i ugrađenim prijedlozima i sugestijama na tekst Nacrta zakona o sprečavanju sukoba interesa u institucijama Bosne i Hercegovine, članovi Interresorne radne grupe su odluke uglavnom donosili koncenzusom.

Razlozi produženja roka na izradi Nacrta zakona o sprečavanju sukoba interesa u institucijama Bosne i Hercegovine su uglavnom objektivne prirode, a odnosili su se na preuzetost članova Interresorne radne grupe, radi izvršavanja redovnih dužnosti, tako da je bilo potrebno iznalaziti termine koji su odgovarali većini članova kako bi se okončao postupak izrade Nacrta zakona o sprečavanju sukoba interesa u institucijama Bosne i Hercegovine.

Predsjedavajući
Interresorne radne grupe
Miroslav Novaković

